

К ОПУБЛИКОВАНИЮ

КОМИ РЕСПУБЛИКАСА ЮРАЛЫСЬЛӨН ИНДӨД

Кага чужомкөд да сійөс быдтөмкөд йитөдын быдтөлысса пособие йылысь

«Челядя гражданылы канмусянь пособиеяс йылысь» 1995 во ода-кора төлысь 19 лунся 81-ФЗ №-а Федеральнөй оланпас, «Россия Федерацияса сьомкудйысь өтдор канму фондлөн веськөдлан орган да Россия Федерацияса субъектлөн медвылыс олөмө пөртысь канму власьт орган, Байконур карлөн администрация, «Сириус» федеральнөй мутаслөн администрация костын Россия Федерацияса субъектлөн, Байконур карлөн, «Сириус» федеральнөй мутаслөн сьомкудйысь Россия Федерацияса сьомкудйысь өтдор канму фондлөн сьомкудйө субвенция сетөм йылысь артмөдчөм кырымалан правилөяс вынсьөдөм йылысь» Россия Федерацияса Веськөдлан котырлөн 2022 во косму төлысь 8 лунся 622 №-а шуөм, «Кага чужомкөд да сійөс быдтөмкөд йитөдын быдтөлысса пособие индан да мынтан пөрадок йылысь» Россия Федерацияса Веськөдлан котырлөн 2022 во өшым төлысь 16 лунся 2330 №-а шуөм серти шуа:

1. Урчитны, мый:

1) Коми Республика мутасын кага чужомкөд да сійөс быдтөмкөд йитөдын быдтөлысса пособиесө (водзө – быдтөлысса пособие) сетöны 2023 вося төвшөр төлысь 1 лунсянь социальной отсöгын нуждайтчысь нөбасысь аныяслы да йөзлы, кодьяслөн эм 17 арөсөдз арлыда челядь, сэк, кор найө лооны Россия Федерацияса гражданоөн да пыр олоны Россия Федерация мутасын да кор семьялөн öти морт вылө шөркодь чөжөс мындаыс оз вевтырт быд морт вылө овны судзяна сьом ыдждасө, кутшөмөс урчитөма Коми Республикаын «Россия Федерацияын овны судзяна сьом йылысь» 1997 во йирым төлысь 24 лунся 134-ФЗ №-а Федеральнөй оланпас серти быдтөлысса пособие индөмла шыөдчан кадпас вылө;

2) быдтөлысса пособиесө индöны да мынтöны «Кага чужомкөд да сійөс быдтөмкөд йитөдын быдтөлысса пособие индан да мынтан пөрадок йылысь» Россия Федерацияса Веськөдлан котырлөн 2022 во өшым төлысь 16 лунся 2330 №-а шуөмөн урчитөм пөрадокын.

2. «Челядя гражданылы канмусянь пособиеяс йылысь» 1995 во ода-кора төлысь 19 лунся 81-ФЗ №-а Федеральнөй оланпасын 4 статьялөн витөд юкөн серти сетны Россия Федерацияса пенсионнөя да социальнөя страхуйтан фондлы быдтөлысса пособие индөм да мынтөм серти уджмогьяссө, кутшөмөс индөма тайө Индөдлөн 1 пунктын, кутшөмьясөс пөртöны олөмө Коми Республикаса Веськөдлан котыр да Россия Федерацияса пенсионнөя да социальнөя страхуйтан фонд костын кырымалан артмөдчөмсө төд вылө босьтөмөн.

3. Коми Республикаса Веськӧдлан котырлы:

1) 2023 вося косму тӧлысь 1 лунӧдз кадколасто нуӧдны Коми Республикаса оланпастэчасӧн урчитӧм пособиес, мынтӧмъяс да социальнӧя отсалан мукӧд мера серти инвентаризация, кутшӧмъясӧс сетӧны гӧля олысь нӧбасъысь аньяслы да гӧля олысь гражданалы, кодъяслӧн эм 17 арӧсӧдз арлыда челядь, да сетны социальнӧя отсалан индӧм мераяс водзӧ збыльмӧдны коланлунсӧ донъялӧм;

2) 2023 восянь заводитӧмӧн урчитны тайӧ Индӧдсӧ збыльмӧдӧмкӧд йитчӧм рӧскодсӧ сьӧмӧн могмӧдӧм вылӧ Коми Республикаса республиканскӧй сьӧмкудйысь сьӧмкуд ассигнование быд во вичмӧдӧмсӧ федеральнӧй сьӧмкудйысь Россия Федерацияса субъектыслӧн сьӧмкудъясӧ субсидияс лӧсьӧдан, сетан да юклан правилӧяс серти Коми Республикаса рӧскод кӧйысьсӧмъяс сьӧмӧн ӧтув могмӧдан тшупӧдсӧ тӧд вылӧ босьтӧмӧн;

3) 2023 вося тӧвшӧр тӧлысь 9 лунсянь могмӧдны канму да муниципальнӧй услугаяс сетан уна мога шӧринъяс пыр, кутшӧмъяс меститчӧны Коми Республика мутасын, быдтӧлысья пособие индӧмла гражданалысь шыӧдчыны позянлунсӧ, сы лыдын гражданалысь документъяс кортӧг, кутшӧмъяс лӧӧны канму услугаяс сетысь органъяслӧн, муниципальнӧй услугаяс сетысь органъяслӧн, мукӧд канму органлӧн, меставывса асвеськӧдлан органъяслӧн да канму органъяслӧн либӧ меставывса асвеськӧдлан органъяслӧн ведомствоувса организацияслӧн веськӧдлӧм улын.

4. Тайӧ Индӧдсӧ олӧмӧ пӧртӧм бӧрся видзӧдны Коми Республикаса Веськӧдлан котырӧн Юрнуӧдысьӧс вежысьлы, кодӧ кывкутана могъяс юклӧм серти координируйтӧ Коми Республикаӧс социальнӧй да экономика боксянь сӧвмӧдан юалӧмъяс серти Коми Республикаса олӧмӧ пӧртысь власьт органъяслысь уджсӧ.

5. Тайӧ Индӧдыс вынсялӧ 2023 вося тӧвшӧр тӧлысь 1 лунсянь.

Коми Республикаса Юралысь

В. Уйба

Сыктывкар

2022 вося ӧшым тӧлысь 26 лун

154 №